


मत्ती 26



येसु निस्तार
परबकिन छ दिन
ओड़ाल बेथानियाल
बाके। नल नो सिउनी
ओसोचोइव लाजरसए ओल्योक
ज़ लिनाके। हा: बेलाक मरियमए
बनै ओए: ल्यो चाव सी डरो
जतामसीए मास तय्यावा रैद
येसुए उखँत थीद्याद ओचेमए
सीदिक्यो। झिम भरी ज़ बनै चाव
सी फाँ फाँ डर्के।

नकिन बाह्र जना उसिसरानी यहूदा इस्करियोतए येसुलाई
मुख्या पुजारीराए याकुइत पारैन्थाए जूनी याल्योक बाके।
नोर नोए ओपाँ थैद बनै रैद नोलाई पैसा
यान्या ब जैकेर। हा:किन
इस्करियोतए 'येसुलाई कै
जैद डासँपिके?' लिद
मौका खिम्क्यो।



येसुए है ओरादोव मिताव ज उसिसराए पबताव ज़्याव भरी जैकेर। नकिन नो याज्युज्यावत ज येसुए उकुइत भरेस तोबो रैद, असिक निद नो भरेसलाई के:द, “हाँ, आव ज्युचिके। आव डाक्याँ ज़,” है दाद भा:द याएक्यो।



3

हो मिताव ज़ फरी खुरी उकुइत रैद धन्याबाद चरै:द, “जे पाईए आव खुरीनी ज़ ओचिके,” है लिद नोरालाई याद, “आव जेओज़्याव कुधु मिँराए पाप क्याल्दयान्याए जूनी डासोभोरिज़्याव डाङ्गी ज़। आनी ज़ परमेस्वरए जेस सा:रो बाचा नैदयाचिरिज़्याव।”



4

नकिन येसुए पत्रुसलाई, “अ सिमोन, सिमोन, किताव मनमलाई छिन्कैज़्यार, हिताव ज़ सैतानए नँलाई ब जाँचिन्या झा:सिद ले। है जैद डा नजुनी डाल्योदा नदोव सत तारासोक लिद पोंखारिद डाईज़्या। फरी तखेप नबादी ब ओल्द नहुवत नँ ननैरालाई पाथ पारैव ताके,” है ओदोक ते, पत्रुसए, “प्रभु, नँस इयालखानाल बान्या ब तयार ज़ डालिज़्या, नँस सिन्या ब तयार ज़ डालिज़्या,” है दोक्यो।



5

येसुए फरी, “पत्रुस, नँलाई है डादींज़्या, आछिम रील भाल्या ओमाकोद डालाई सोंखेप ‘डामासरेसे’ है दान्या नले,” है दोक्यो।



6

नकिन येसु उसिसरास गेतसमनी यादोज्याव बगैचाल बाद उसिसरालाई, “डा जाँ होकसैकावक बाद डापोँखारिवा पै जे आक ज़ लिच्यो,” है दाद, “अब्बा, बाबु, नँ नमादोधुव काता ज़ माले, आव डाक्याँत हरिज़्याव धो सहिउ दुखर वैदयाँके।”



7

“खाली डा डायुँ ते मा:क, नँ नयुँ ओताकिन वाज़,” है लिद पोंखारिद, नो सोम्लोराए ल्योक उहुवत नोर इल्द यालिज़्याव दैहुद पत्रुसलाई, “सिमोन, नँ इल्द नलिज़्याव रो? नँ कै जैद डास तघन्ता पै ब नमालिधुज्याव?”



8

है जैद यहूदा इस्करियोतए फरिसीर सोनो मुख्या पुजारीराए यारापरीव ध्यान झिमलाव पाल्यार सोनो सिपाईर लाँद नो बगैचाल बाकेर। नोरास हत्यारर, लालितनर भाँर ब लाँद यानैज्याव। तोबोए ते ओतरवाली हाइद प्रधान पुजारीए ओनोकोरलाई वोर्निकाव ओर्ना पल्द सतेदिक्यो। नो रँद येसुए, “चिम दोके, अइ जैन्या माःक,” है दाद नो मिँए ओर्ना छाप्दयाद सोजोकाव ज़ जैदिक्यो।



9

नकिन येसुलाई क्योःद प्रधान पुजारीए उझिमक लाँकेर। पत्रुस ब याछीं याछीं जाँ तादाड ओबाज्याव। मिँर प्रधान पुजारीए ओचतराक मेंः दाद यामुइँसिज्याक पत्रुस ब नोराए ल्योक ज़ चुसिनाके।



10


प्रधान पुजारीए तोबो ओनोकोर, इदा पत्रुसए ओर्ना पल्द सतेद ओएज्यावए ओक्याँदाडाव ब नक उलिज्याव। होए मनी पत्रुसलाई, “नँलाई आछ्याक येसुस बगैचाल नलिज्याव डारःनिउ सानी,” है ओदोक ते, पत्रुसए फरी ब माभैःद, “डा माःक,” है ओदोव पाइना ज़ भाल्या कोके। लाँक पुलुस्द धस धस घर्के।



11


नलाव दुप्सिउ भरिए येसुलाई पिलातसए ल्योक लाँकेर। पिलातसए नोराए यापाँ थैद येसुलाई, “नँ साचो यहूदीराए याराजा ज़ रो?” है ओदोक ते, “नँ ज़ नथरैनाके,” है दोक्यो। पिलातसए फरी येसुलाई रासो ओपैँज्यावए माहोल्यारालाई फरी तखेप यासम्जैक्यो। हितावत ब,

“आवलाई क्रुसत तङ्गैद सैःन्या ज़,” लिद बनै किकेर।



12

थैद पिलातसए येसुलाई क्रुसत तङ्गैद सैःन्याए जूनी यहूदीरालाई ज़ याभीःक्यो। सिपाईराए येसुलाई यापासल रैद, नोराए येसुलाई उक्रुस ओललाई ज़ सुघुर्द गलगथा यादोज्याव पोक लाँकेर। हिब्रू खामनी गलगथाए ओअर्थ ‘खप्पन्या पो’ ज़।




13

नक नोराए येसुलाई क्रुसत तङ्गैकेर। हो छ्याम ओलस छुत नेब्लोनिलाई मनी ओलस ज़ यारातङ्गैकेर। येसुलाई खाल जैद तोबोलाई ओवोर्दा, तोबोलाई ओदाबन्यादा जैद सु सु याक्रुसत यारातङ्गैकेर।



14

निमीए ओजगै ज़ मारैःके। थिक हो बेलाक ज़ ध्यान झिमलाव
बारिसिउ क्वा ब ओलनी ज़ नेपरा ताद चिस्के। हाःत ज़ येसु
ब बनै चोइस अइ लिद क्रिके, “अ परमेस्वर बाबु, आव
डापुरुस नपिछाल ज़ डाईज्या,”
है लिद उस. सफ्याःक्यो।



15

तोबो अरिमाथियालाव योसेफ घ्योःव
युँस पिलातसए ल्योक बाद येसुए
ओमोरो निक्क्यो। नो घ्योःव
कचरीलाव घेप्पा मिँ ओल्यो।
ओल मनी परमेस्वरए
ओराज्यालाव येम
खिम्ज्याव मिँ
ज़ ओल्यो।

योसेफ फरी पालो
क्वा लँःद येसुए
ओमोरोलाई क्रुसतिन
हाइद, नो क्वाए लुम्बैद
दावन खुपिद पुप जैद
ओनैज्याव खादरल झाःद
ओयामक घ्योःव लुँए
कक्यो।

16

हो पराःती नासिन्या छ्याम ओतावत
मुख्या पुजारीर सोनो फरिसीर
दुप्सिद पिलातसए ल्योक
बाद, “हाकिम सायेब, नो
छुल्या ओमासिद ज़,
‘सौलात सैसिद
डासोरिज्या,’
है उलिज्याव
थैद गेनै।”



17


नोर ननी बाद नो खादर पोक सु ज़
माबाधुन्या जैद पाल्यार नैद
नो कसिउ लुँत माफैन्या
छाप ब झाःकेर।



18

नासिन्या छ्याम ओखेमोत सातालाव
उसःकताव छ्याम नम उसँनाक मरियम
मग्दलिनी, ओनै मरियमस खादर
पोदा चिऊनाकिनी। हाःत ज़
तोबो बनै घ्योःव भौंचालो
हुद परमेस्वरए
ओचाकन्या स्वर्गतिन
झरिहुद नो कसिउ
लुँलाई पल्लैद नो

लुँत चुसिके।
नो गुज्याव पाल्यार
नोलाई रँःद याछ्याचेए
भुम भुम गूद
धलिद सिउ स्यासो
ज़ ताकेर।



19

नो चाकन्याए नो मेंमानिलाई, “जिन
ताछेःचिन, नो क्रुसत तङ्गैद यासैःव
येसुलाई जिन्खिम्हुज्याव ज़
ताखेहो। नो आल माले।
डादाकिनकाव है
ओदाचिज्याव मिताव नो
सैसिद सोधुके। अछादी
आव यानैव पो
चिऊचिन्केदा,



उसिसराए ल्योदा हतप्त
ज़ बाद, ‘गेप्रभु सिउनी
सैसिद सोके।”

20

नोनी बनै छेद निरैतए चह चह ताद खादर
पुपनी पुलुस्द धौःनाद उसिसरालाई है
यारादोनाकिनी। निबाज्याक येमक ज़
येसु उमँःजानी निज़ाक च्याँःसिद,
“जिनयुँ होलाँ जैचिन्के,” है उनिदोव
पाइँना ज़, नोनी उखँ क्योःद
धो दोकिनी।



21

नकिन छीनी एघार जना उसिसर काँ याज्युज्याक येसु नोराए
याड़ाक ब सरैःसिके। नोराए खाव यायुँ जूनी येसु सिउनी
ओसैसिउत ओललाई रँःज्यावराए यापांत यायुँ ओमाहुबोए
येसुए नोरालाई यासिडाक्यो। है जैद प्रभु येसुए ओपाँ भरी है
ओरादोवत याड़ाकिन ज़ स्वर्गदा छैसिद
परमेस्वरए ओवोर्दा चुसिनाके।

22

परमेस्वरए आव मानुवाताव मिँरालाई उयुँ
नाद तोबोका तोबो ओज़ा ब याएक्यो।
है जैद जोए नो ओज़ालाई उयुँ
हुप्ज्या, नो कै मै माताद
अजम्बरी जुनी
दैन्या ले।

54

60

23

रोमी 3:23
काराव ल्यो ताकिन पाइँ ज़ पाप दाद परमेस्वरए ओज़गैनी
अछत ताकेर।

रोमी 6:23
पापए ओजेला नर्ग लिज्या, परमेस्वरए ओयासिज्याव बरदान ते
गेप्रभु येसु खीसनी अजम्बरी जुनी लिज्या।

हिब्रू 9:27
मिँ भरी तखेप सिउ परिज्या। नकिन परमेस्वरए ओड़ाक फाल्सिउ
परिरिज्या।

24

एफिसी 2:8,9
परमेस्वरए ल्योदा जेयुँ जेसुहुबोए उयुँ गराँद बाँचैद नैचिउ। नो जे
जेदोवनी माःक, परमेस्वरए अइज़ ओयाचिउ बरदान ची। गे
गेदोवनी ताकिन ते सघ्योःसिन्या गेल्यो।

रोमी 10:9,10
जेयाःत 'येसु खीस ज़ गेप्रभु' लिद जेपाँकिन, सोनो जेयुँल
'परमेस्वरए खीसलाई सिउनी सोचोइक्यो' लिद जेयुँल जेपतिकिन
बाँचिन्या जेले। गेयुँ ज़ परमेस्वरए ओपाँलाई गेयुँ हुप्द ओलस
गेखैज्या, फरी नो गेयुँलाव पाँलाई गयाःए पाखात पाँद
गेबाँचिज्या।

25

यूहन्ना 3:16,17
परमेस्वरए आव मानुवाताव मिँरालाई उयुँ नाद तोबोका तोबो
ओज़ा ब याएक्यो। है जैद जोए नो ओज़ालाई उयुँ हुप्ज्या, नो कै
मै माताद अजम्बरी जुनी दैन्या ले। परमेस्वरए ओज़ालाई
मानुवाताव मिँरालाई खेम्न्याए जूनी उपरीव माःक, बुरू मानुवाताव
मिँरालाई बाँचैन्याए जूनी उपरीव ची।

1 यूहन्ना 5:11-13
गेलाई परमेस्वरए ओयासिज्याव साची आव ज़ — गे मिँर
अजम्बरी जुनी दैन्यार गेताज्या, नो जुनी ओज़ाए ओक्याँत वाज़
लिज्या। जोए परमेस्वरए ओज़ालाई उयुँल रैज्याव, होए ज़
अजम्बरी जुनी दैज्याव। जोए ओज़ालाई उयुँल मारैव, होस
अजम्बरी जुनी माले। आव डसरो चिथी जे परमेस्वरए ओज़ालाई
जेयुँ हुप्ज्यावराए जूनी सर्द डानै। आव चिथीनी ज़ अजम्बरी जुनी
जेस उलिज्याव सैन्या जेले।

26

मत्ती 26-28; लूका 22-24; यूहन्ना 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Kham, Western Parbate NT (kjl) © 2015, Wycliffe Bible
Translators, Inc. All rights reserved.

<https://www.bible.com/bible/2495/MAT.1.NKHAM>

©2026 Bible for Children, Inc.

www.M1914.org www.bibleforchildren.org